



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1628. usque ad annum 1634

Fleury, Claude

August. Vind. [u.a.], 1778

VD18 90118871

§. 23. Univeristatis Parisinæ oppositio adversus Collegium Cenomanense.

[urn:nbn:de:hbz:466:1-67394](https://nbn-resolving.org/urn:nbn:de:hbz:466:1-67394)

Sæc. XVII. simo tertio, Ceterum hæc lucubrati-
 A. C. 1631. utpote a plurimis suppressa & a sacra
 Indicis Congregatione die decima Junii
 anno 1659. damnata, & inter libros
 prohibitos rejecta, admodum rara eve-
 ferat, & utinam pro Societatis hono-
 tuendo nunquam publicam aspexisse
 lucem? verum, (quis crederet) sexto
 post anno millesimo sexcentesimo
 sexagesimo quinto novis typis rursum
 in ejusdem Patris Theophili operibus
 Lugduni editis recens inserta adhuc
 dum habetur.

Pag. 197.

§. XXIII.

*Universitatis Parisinæ oppositio ad
 versus Collegium Cenomanense.*

*Argentre
 l. c. p. 355.
 Comment.
 Univers.
 Paris. p. 176.*

Dudum inter Parisinam Universita-
 tem, Regiumque Senatum & in-
 ter Cenomanensis Collegii Jesuitas con-
 tentio servebat: Hi enim jam ante se-
 ptem annos ab ejusdem Diæcesis Epi-
 scopo præfatum Collegium olim pro e-
 jusdem Urbis Universitate a Cardinali
 Luxemburgensi fundata pretio trium
 & triginta librarum millium, coeme-
 rant: repugnante autem Universitate
 ac Regio Senatu ab hoc contractu re-
 cesserunt, quem tamen hujus anni Men-
 se Octobri innovarunt, ea lege, ut in
 eadem Urbe Palatium, in quo Episco-
 pus

pus deinceps resideret, exemptionis pre- Sæc. XVII.
 tio erigeretur. Inde vero recruduit A. C. 1631.
 Parisinæ Universitatis oppositio, & qui-
 dem die decima tertia Novembris Re-
 ctor, Decanus, ceterique Doctores da-
 tis ad Cenomanensem Senatam literis
 eundem incitabant, ut sese huic em-
 ptioni opponeret, eoquod adversus di-
 vinas, humanasque leges ex paupe-
 rum patrimonio quæstus fieret, nec ulla
 unquam fundatio deinceps adeo sancta
 foret, quin non ejusmodi contractu e-
 verti posset: indignum quoque foret, Diæ-
 cesis Seminarium hac alienatione abole-
 ri. Insuper iidem die decima tertia De-
 cembris ad Ecclesiæ Cenomanensis De-
 canum, Canonicos, totumque Capi-
 tulum sequentes transmisere literas:
*Quod ceteris Galliarum Academiis, quod
 omnium hominum generi significatura est
 Studiorum universitas Parisiensis, hoc vo-
 bis, viri Venerabiles, præcipue nuntiamus:
 ut qui ad ejus clavum sedetis, cujus res
 agitur, cujusque periculum, vobiscum ipsi
 statuatis, quo tandem animo novam, quam
 depellere potestis injuriam; ab Ecclesia Cæ-
 nomana accipiendam putetis. Qui se Je-
 suitas nominant rem insignis Ecclesiæ ve-
 stræ publicam & nostram nacti, qui rem
 sacram fidei suæ commissam vendere non
 dubitaret, Collegium Cenomanense ab Epi-
 scopo vestro Religiosi homines emerunt: ea
 præ-*

Sæc. XVII. præcipue conditione, ut pro ædibus Lutetiae
 A. C. 1631. randis, in quibus Episcopus vester habitabat
 librarum Turonensium triginta tria millia
 impendant. Alumnorum statum, & legi-
 tumum numerum imminuunt, plane medium
 tollunt, ni totum potius extinguunt, quam
 in suam manum, potestatemque convertunt.
 Fit eis ædium sacrarum, quæ in isto Col-
 legio egregiæ sunt subruendarum potestas
 rei que nostræ ac vestræ, quæ Episcoporum
 Cænomanensium curæ mandata fuerat, ju-
 & arbitrium eis adjungitur: id quidem
 ipsum ante sex annos moliti fuerant, inito
 cum eodem illo Episcopo vestro sanctissimo
 pactione, quam, cum eos ad summi Senatus
 iudicium vocavisset, irritam ipsi fecerunt,
 eaque se desistere publica manu testati sunt,
 nobisque denuntiarunt. Cujus rei præse-
 tem, recentemque memoriam, cum puta-
 rent funditus excidisse homines cupiditate
 cæci, ecce renovatam cum eodem Episcopo
 compositionem sigilli Regii administris of-
 ferunt, verbum de Senatus Parisiensis, de-
 que sua cessione nullum faciunt, ea fraude
 postulatum extorquent. Jam injusta pos-
 sessione, in quam invadere conati sunt, ex-
 omnia alumnorum Collegii consensione, no-
 stroque consilio retardantur, misimus ad Ro-
 gem optimum atque justissimum viros egre-
 gios, qui læta nobis omnia retulerunt, ni-
 hil Jesuitas per fraudem, nihil præter ju-
 dicioz morem impetraturos, nobis ju-
 futu-

futurum nostrum integrum, & unicuique Sæc. XVII.
 suum, nihil inaudita parte, cujuscunque A. C. 1631.
 res ageretur, de tota re decernendum. Quæ
 nobis non modo spes, sed prope certa victo-
 ria pronuntiata est adversus eos certantibus,
 qui quantum latebris merito gaudent, &
 cæcis artibus fidunt, tantum lucem atque
 omnem recte agendi rationem adversantur.
 Tabulas decreti nostri, & quas jam edidi-
 mus literas mittimus, item Consistoriani
 judicii exemplum. Cetera, quæ in eam
 rem postea proferentur, vobiscum, viri
 Venerabiles, communicabimus, si modo nos
 vobis id gratum facturos esse significaveritis.
 Vestrum est quantum ad ejus Ecclesie, cu-
 jus in præsidio statis, injuriam pertineat,
 insolens ista Jesuitarum molitio etiam at-
 que etiam cogitare. Nobis certe constitu-
 tum est, quam juris obtinendi spem Rex
 Sanctissimus ostendit, eam sedulo persequi,
 neque committere, ut opes sustinendæ vestra-
 tum studiosorum inopiæ dicatas, rem sa-
 cram fidei nostræ traditam mortalium om-
 nium cupidissimi turpi atque adeo legibus
 vetito commercio mancipatam tacitis &
 quiescentibus nobis usurpent. *Valete Viri
 Venerabiles & Ecclesie vestræ commodis
 atque dignitati favete.*

Anno autem sequenti die tertia Au-
 gusti omnes Facultatis Doctores Maril-
 lacum Regii Sigilli Custodem, ut opera
 suam in Cenomanensi negotio Univer-
 sitati

Sæc. XVII. sitati apud Regem impenderet, suppli-
A. C. 1631. ces adibant. Hic vero eisdem aucto-
 exstitit, ut Doctorum potissimi ad Sac-
 tium Germanum in Laya proficiscere-
 tur, & Regi, necnon Richelio Card-
 nali & Pro-Cancellario causam hanc
 commendarent, porrectoque libello sup-
 plici Universitatis querelas, necnon
 contractus vitia, quæ ex parte contra-
 hentium & rei venditæ conditione
 intervenissent, exponerent. Priusquam
 vero Facultas Regem adiret, suadente
 Thuano libellorum supplicum Magistra-
 tam in contractus, quam foundationum
 literas inquisivit, ipsamque Decanum
 Syndicum, septemque alios Doctores
 selegit, qui foundationem Collegii Ce-
 nomanensis cum contractu inter Jezu-
 tas & Episcopum inito conferrent, in-
 spicerentque, in quibus hic vitiosus
 atque illicitus vel omnino simoniacus
 esset. Hi autem die decima octa-
 va Augusti coram Facultate exposue-
 runt, „se quidem contractum in plu-
 „ribus articulis reperisse, simoniam re-
 „dolere, tantaque industria confra-
 „ctum, ut a malæ fidei vitiis vix pejus
 „& vitiosior possit excogitari, magno
 „pere tamen desiderare, ut satis tem-
 „poris sibi concederetur ad detegendas
 „fraudes, quibus scatet dictus contra-
 „ctus,

ctus, eaque ratione suam sententiam Sæc. XVII.
 validioribus rationibus stabilire pos- A. C. 1631.
 sent.

Interim die prima Septembris Fa-
 cultas in publicis comitiis Filelacum,
 emeritum Facultatis Decanum roga-
 bat, quatenus & ipse suam desuper
 sententiam ediceret: „Hic vero retulit,
 „Doctores nuper deputatos censuisse,
 „prædictum contractum esse illicitum,
 „injustum, illusorium, infidelem, tur-
 „pe lucrum continentem, mali exem-
 „pli contra legata pia, pauperumque
 „bona, ex consequentia periculosum,
 „simoniam redolentem:„ petiit igitur,
 ut singuli sententiam suam dice-
 rent, quatenus tandem ejusmodi ne-
 gotium perficeretur: His auditis & sin-
 gulorum Magistrorum, qui ad quin-
 quagenarium numerum & amplius con-
 venerant, collectis suffragiis, censuit
 Facultas, contractum prædictum inter
 Reverendissimum Dominum de Beau-
 manoir Cœnomanensem Episcopum,
 & Jesuitas initum pro prætensa unione
 (quæ vera venditio esset) Collegii Cœ-
 nomanensis cum Collegio Claromon-
 tano esse vitiosum, illicitum, illegiti-
 mum, illusorium, infidelem, injustum,
 turpem, irreligiosum, ac denique si-
 moniacum, proindeque nullum jus
 posse in ipsos Jesuitas transfundere.

Hist. Eccles. Tom. LIX.

Gg Hæc

Sæc. XVII. Hæc sententia male habuit Jesuitas

A. C. 1631. ut tamen aliquatenus injustitiæ labem

a se amolirentur, vix quatuordecim annorum puerum in eorum Ecclesia sancti Ludovici Cathedram, unde alias sacræ Conciones fiunt, die sexta Augusti conscendere, necnon latinam Orationem habere iusserant, in qua hic puer demonstrare docebatur, nihil magis rationi esse consonum, quam si Collegium Claromontanum, de quo lisis sanctiori Senatu, Jesuitis, quorum conatibus *homines duntaxat mali vel improbi* obliterent, attribueretur: Recomperto mox altera die, Rectore desuper graviter querente, omnes & singuli confuere, hac de re consulendum esse sacrum Theologorum Ordinem, *an videlicet querendum sit apud Archiepiscopum Parisiensem de hac re prorsus insolenti, quod quibus nullis sacris initiatus, e sacris Cathedralibus hæc pronuntiarit.*

Tandem Theologicæ Facultatis Doctores numero quadraginta veste solenni induti Regem, & Richelium Cardinalem apud S. Germanum die decima ejusdem Mensis adiere, de hoc ausu & præfati contractus vitiis querentes, quibus Rex respondit: *petitiones vestras scripto mandatas Thuano porrigite*, quo facto Sanctior Regis Senatus, auctore eodem Thuano, sacræ Facultatis

cultatis postulata admisit, rataque ha- Sæc. XVII.
 buit: Facultas vero quosdam selegit A. C. 1631.
 Doctores, qui in Romana Curia age-
 rent, ne Jesuitæ circa hunc contra-
 ctum dispensationem a Pontifice ex-
 torquerent.

§. XXIV.

*Congregatio Jesuitissarum ab Urba-
 no VIII. Pontifice suppressa.*

Sedente Mutio Vitelescho Generali *Bullar.*
 Societatis Præposito suscitabatur Je- *magn. Ur-*
 suitissarum Ordo. Hic originem suam *ban. VIII.*
 debet Mariæ de Ward, & Tuitiæ, *Const. 110.*
 quæ in Anglia quasdam Virgines con- *Et Bene-*
 gregans, novum Institutum, cui ab *dicti XIV.*
 originis loco Anglicarum Virginum no- *Const. 8.*
 men hodie est, erigere statuit: *tom. 18.*
 Postquam vero Warda unacum suis se- *Abrege de*
 quacibus ex Angliæ Regno exulare ju- *l'hist. Eccl.*
 bebatur, anno Christi millesimo sex- *t. 10. p. 10.*
 centesimo nono Audomaropoli pluri- *Selva hist.*
 marum Virginum convictum aperuit; *de Dom.*
 demumque sedem in Germania sivit, a *Inigo l. 7.*
 Maximiliano I. Bavarix Electore per- *Bened. XIV.*
 benigne excepta, brevique temporis *in una Au-*
 intervallo plures domos citra ullam *gustan.*
 Sedis Apostolicæ approbationem in *Episc. Aug.*
 Collegiorum normam erexit, ac mo- *anno 1747.*
 deratore P. Gerardo Leodiensis Colle- *Heliot. Hist.*
 gii Rectore usa, Leodii, Treviris, Co- *des Ord. Re-*
 loniæ, *lig. part. 5.*
c. 6. t. 7.
pag. 491.